



# TOE FOI E AOGA

## O SE TAIALA MO LE VCE MA LE VCAL

O le a fesoasoani faamatalaga o i lenei tusitusiga ia te oe pe afai e:

- Luga atu o le 18 ou tausaga ma
- O e manao e toe foi e aoga i laasaga o le aoga maualuga (luga atu o le tausaga 10)

E i ai ni laasaga e mafai ona e filifilia e aofia ai:

- Le Tusi Pasi mo Aoga i Vitoria (Victorian Certificate of Education) (VCE)
- Le Tusi Pasi o Aoaoga Faapitoa i Vitoria (Victorian Certificate of Applied Learning) (VCAL).

E aofia i le VCE ma le VCAL Aoga ma Aoaoga mo Galuega (VET)

E mafai ona avea ma taiala aoaoga faaopoopo:

- Aoaoga i le tulaga maualuga i aoga maualuga (tertiary study)
- Tele avanoa mo galuega e fiafia i ai
- Galuega fou
- Faaoloaina atili o lou tagata

## VCE

### O le Tusi Pasi mo Aoga i Victoria

#### Tamaiti Aoga e toe foi e aoga – VCE

O le VCE o se tusi pasi mo aoga i aoga maualuga mo tamaiti matutua o lo o aofia ai mataupu masani o i le taiala (VCE studies) ma polokalame mai le tusi pasi mo Aoga ma Aoaoga mo Galuega (VCE VET).

#### Tamaiti ua mae'a ona i ai unite o le VCE (Students who have some prior VCE units)

Afai ua mae'a ona i ai unite o le VCE ma o e manao e fai ni isi unite ina ia faamalieina ai manaoga (requirements) o le VCE, e i ai lau filifiliga e:

- Faamae'a o manaoga pito maualalo (minimum requirements) e manaomia e tamaiti o lo o aoga ( 16 unite e aofia ai le tolu unite o le Gagana Peretania ma le Unite 3 ma le 4 mai mataupu e ese mai le Gagana Peretania).
- Faatonu (enrolling) oe o se tagata matua ma faamae'a unite e valu.

#### VCE mo tagata matutua

E tatau ona e faamalieina aiaiga e lua faato'a mafai ona faatonu oe o se tagata matua.

E tatau ona e :

- Le i tauaveina aoaoga i aoga maualuga i taimi uma mo le tausaga atoa a o lumanai le uluai tausaga na faatonuina ai oe o se tagata matua ma
- e i luga a'e o le 18 ou tausaga i le aso 1 Ianuari o le tausaga na faatonuina ai oe.

#### Talafeagai (Eligibility) mo le VCE

Mo le faamalieina o manaoga mo le faailoga o le VCE, e tatau i tamaiti ua toe foi e aoga (tagata aoga matutua) ona faamae'a lelei ia le i lalo ifo o le valu unite e aofia ai:

- unite e lua mai vaega o mataupu o le Gagana Peretania i soo se laasaga (e pei o Unite 1,2,3, po ole 4) ma
- tolu Unite 3 ma le 4 mai mataupu e ese mai le Gagana Peretania.

Mo le ulufale i aoga i luga atu o aoga maualuluga (tertiary) o le maualuga o unite o le Gagana Peretania e tatau ona latalata i le laasaga o Unite 3 ma le 4.

E faitauina foi unite o polokalame o le VCE VET i le faamae'aina manuia o le VCE.

#### Tamaiti o lo o i ai togi (credits) mo aoga a e le i oo i le VCE

E tatau i tamaiti o mananao e maua VCE e faaoga ai taunuuga o taumafaiga mai le HSC, TOP po o le T12 ona ausia ma le manuia taunuuga o taumafaiga i unite e valu o le VCE, e aofia ai le lua o unite mai mataupu o le Gagana Peretania, pe afai o unite uma e valu e tutusa ma le maualuga o laasaga o Unite 3 ma le 4 (tausaga 12).

#### Tamaiti e faamuta aoga o le VCE i le tausaga ua mavae

E leai se mafuaaga e toe su'e ai le Unite 3 o le VCE (pe afai na manuia le faamae'aina) peitai e fautuaina le toe fai pea pe afai o e faamoemoe e su'e i seuga faaiu o le tausaga. Ma e e tatau ona toe fai aoaoga o le Unite 3 o le VCE ina ia maua togi o le mataupu (study scores).

### **Tamaiti Aoga e mananao e toe su'e unite o le VCE**

E le o faatapulaaina le aofaiga o unite o le VCE e mafai ona e aoaoina. Ma e leai foi se faasalaga mo le toe fai o unite. O le toe fai o unite i le laasaga o Unite 3 ma le 4 o se ala e faaleleia ai ou togi o aoaoga ma faatele ai ou avanoa e te ulufale atu ai i se aoaoga faapitoa (course).

### **Manaoga o le Ulufale (Entry requirements)**

E ui e le o i ai ni manaoga aloaia o le ulufale atu o se tagata matua i aoaoga o le VCE, e fautuaina lou faafesootai o se tagata mai le Aoga Faa-le-itumalo mo Tagata matutua (ACE), Kolisi o Matata Esee (TAFE) po o le Ofisa mo le Aoaoina o Tagata Matutua (CAE) e uiga i aiaiga e manaomia mo aoga. Mo isi mataupu, e fautuaina le faamae'aina o Unite 1 ma le 2 a e le i faatonuina oe mo Unite 3 ma le 4.

### **Faamae'aina o le VCE (Completion of VCE)**

E le o faamalosi le faamae'aina o le VCE i totonu o le tausaga e tasi e tagata aoga matutua. E mafai ona faasoosoa unite i taimi o le tausaga a o Unite 3 ma le 4 o le mataupu e tasi e tatau ona faamae'a i totonu o le tausaga e tasi ina ia maua togi o lea mataupu.

### **Taimi e manaomia.**

E manaomia i le tele o mataupu o le VCE lou auai i vasega i le va o le tolu ma le fa itula i le vaiaso. E mafai ona fai i le periota (session) e tasi po o le faaso o le taimi i periota e lua i le vaiaso. E faamoemoe foi o le a fai mea aoga a tamaiti i fafo atu o taimi o vasega.

### **TOGIINA O LE VCE (ASSESSMENT IN THE VCE)**

E faalagolago le faauuga o le VCE i le mae'a manuia o unite o lo o fausia ai aoaoga o le VCE. E faalagolago lava le faaiuga o le mae'a manuia i lou mafai ona faailoa mai o taunuuga manuia.

O lo o faailoa atu nei taunuuga manuia i taiala mo mataupu taitasi o le a'oa'oina o le VCE. O lo o faamatalaina atu le potu ma le tomai e tatau ona e mafai ona e mauaina i le taimi e mae'a ai se unite.

E lua ituaiga togi faatulagaina i suega faa-le-aoga o le VCE.

### **Suega i le Aoga (School assessment)**

E lua ituaiga togi i le aoga. O le uluai togi e ta'ua o le Togi e fuafua i galuega fai i totonu o le aoga e tamaiti aoga e tusa ma le faasinoga a le taiala. O nei galuega e tatau ona faatinoina i taimi o vasega ma e aofia ai tusiga tala (essays), ripoti ma aoga o mataupu eseese (case studies).

O le isi ituaiga e aofia ai aoga i tusi ata (visual arts) ma mataupu i tekenosi (technology) e fai foi i totonu o le aoga. E tutusa uma lava tamaiti sa faatonuina mo mataupu ia i galuega nei e pei ona fuafua mai e le VCAA.

**Suega i fafo atu o le aoga (External examinations)**

O suega i fafo atu o le aoga o le a saunia ma togiina e le Pulega o Taiala ma Togi i Vitoria (Victorian Curriculum and Assessment Authority). O le tele o nei suega e faia ia Oketopa/Novema, peitai e le tele ni mataupu e sueina ia Iuni.

**Togi o Taumafaiga (Study scores)**

E tatau ona maua e tamaiti aoga ua mae'a lelei Unite 3 ma le 4 o le mataupu o le VCE ma tulaga manaomia, Se togi o taumafaiga. E faaaogaina nei togi o taumafaiga pe a e talosaga mo le ulufale i aoga e i luga atu o aoga maualuluga.

**Suega o Tulaga Lautele o Taumafaiga (The General Achievement Test) (GAT)**

O le GAT o se tasi o vaega taua o le VCE. Na te saunia le faavae o se fua faatatau e siaki ai le makaina o suega. E faamoemoe e su'e uma le GAT e so o se tamaitiiti aoga na faatonuina i se Unite 3 ma le 4 o le VCE po o le VCE VET le VCE po o VCE VET.

Mo ni isi faamatalaga i le VCE: [www.vcaa.vic.edu.au/vce/index.html](http://www.vcaa.vic.edu.au/vce/index.html)

## **VCAL**

### **Tusi Pasi a Vitoria mo le Aoaoina i Tomai Faapitoa (Victorian Certificate of Applied Learning)**

#### **Tamaiti e toe foi i aoga - VCAL**

O le VCAL o se tusi pasi i aoga i aoga mauuluga ma e maua ai e tamaiti aoga tomiai masani i le faatinoina o galuega ma o le a maua ai foi ma avanoa e faalautele ai tomiai faapitoa i le faitau tusi ma le numera.

E mafai ona fetuunai le VCAL ina ia mafai e tamaiti aoga ona tauave polokalame e talafeagai ma mea e fiafia i ai ma tulaga manaomia o lo latou aoaoina. Ua saunia polokalame (modules) aloaia ma unite e filifilia mai vaega o i lalo:

- Tomai Faapitoa i le Faitau tusi ma le Numera.
- Tomai Faapitoa i Galuega.
- Tomai faapitoa i mataupu i Galuega.
- Tomai faapitoa i le Atinaeina o le Tagata lava ia (Personal Development).

#### **Mea e manaomia mo le ulufale**

E tolu laasaga o le VCAL – Vasega Faavae, Feololo (intermediate) ma le Au matutua (Senior). E amata ma mae’a VCAL a tamaiti aoga i le laasaga e talafeagai ma o latou manaoga ma mafai.

E leai ni aiaiga manaomia mo le VCAL ma e mafai foi e tamaiti aoga ona faamae’a se tusi pasi i soo se laasaga i soo se taimi e manaomia.

#### **Taimi e manaomia**

Ua fausiaina le VCAL mo tamaiti aoga i Tausaga 11 ma le 12. O le a tuuina atu se tusi pasi ma faamatalaga o togi i tamaiti aoga pe a mae’a manuia se polokalame a le VCAL i laasaga taitasi. O le toatele o tamaiti e mae’a le tasi o se laasaga o le VCAL i le tausaga e tasi.

## **TOGIINA O LE VCAL**

Ua fausiaina le VCAL i mataupu/tusi pasi togi. Ua togiina polokalame o le VCAL e faiaoga e tusa ma togi e manaomia mo vaega taitasi o le polokalame.

Mo ni isi faamatalaga e uiga i le VCAL: [www.vcaa.vic.edu.au/vcal/index.html](http://www.vcaa.vic.edu.au/vcal/index.html)

## **VET**

### **Aoga ma Aoaoga mo Galuega (Vocational Education and Training)**

O lo o tele tusi pasi mo galuega e aloaia i le atunuu atoa e mafai ona e sueina o se vaega ma o lo o i totonu o le VCE po o le VCAL. O lenei faiga e mafai ai ona e faamae'aina e le gata i le VCE po o le VCAL a o se tusi pasi (qualification) mo galuega i le taimi e tasi.

## **VCE VET**

O lo o ofoina mai e le VCAA aitalafu (direct credit) i le VCE mo ni isi o tusi pasi faapitoa mo galuega, e faaigoaina o polokalame o le VCE VET. O lo o aofia nei polokalame i le VCE ma unite 1-2 ma laasaga aloaia o Unite 3 ma le 4.

E mafai ona aofia polokalame a le VCE VET e le gata i le VCE a o le VCAL foi.

E mafai ona ofoina atu polokalame a le VCE VET i aoga, Aoga Faaitumalo mo Tagata Matutua (ACE), Aoga o Matata Esee (TAFE), Nofoaga mo Aoga mo Tagata Matutua (CAE) po o Faalapotopotoga mo Aoaoga ua Resitalaina (RTOs).

E mafai ona maua polokalame a le VCE VET i le tele o galuega (industry) e aofia ai Pisinisi Auaunaga i tagata (Hospitality), Tekenosi Faamatalaga (Information Technology) ma Faasalalauga Esee (Multimedia).

Mo ni isi faamatalaga e uiga i polokalame o le VCE VET:

**[www.vcaa.vic.edu.au/vet/index.html](http://www.vcaa.vic.edu.au/vet/index.html)**

## **TUUFATASIA O MAKA ALOAIA (BLOCK RECOGNITION)**

E mafai ona fesoasoani isi tusi pasi o galuega i le faamae'aina manuia o le VCE. Afai ua mae'a ni au aoaoga i le laasaga o le Tusi Pasi II po o luga atu i se vaega e le o faia i polokalame o le VCE VET, e mafai e le VCAA ona tuuina at ni maka (credit). E ta'ua lenei faiga o le Tuufatasia o Maka Aloaia (Block Credit Recognition). E mafai ona fesoasoani aoaoga o le Tusi Pasi II (Certificate II) i le faamae'aina manuia o le VCE I Unite 1-2 a o aoaoga (training) mo le Tusi Pasi III ma maua luga atu e mafai ona fesoasoani i Unite 3-ma le 4.

Mo ni isi faamatalaga e uiga i Block Credit Recognition: (03) 9651- 4300 po o le 1800 134 197

## **O A ISI AVANOA AOGA O I AI PE A MAE'A VCE PO O LE VCAL**

### **VCE**

A mae'a le VCE, e mafai e tamaiti aoga ona talosaga mo aoga i aoga maualuluga atu i Vitoria ae auala atu i le Victorian Tertiary Admissions Centre (VTAC). O le a fuafuaina e le VTAC se tulaga e tai tutusa ma le Equivalent National Tertiary Entrance Rank (ENTER) pe a mae'a ona fuafua o togi o mataupu o le VCE. Mo ni isi faamatalaga: **[www.vtac.edu.au](http://www.vtac.edu.au)**

E tatau ona manatua e tagata aoga matutua o le VCE o unite o le Gagana Peretania e tatau ona i le laasaga (level) o Unite 3 ma le 4 ina ia mafai ona pasi oe mo le ENTER.

E tatau ona manatua e tamaiti ua toe su'e a latou unite o le VCE ina ia faaleleia ai o latou togi (grades) afai e talosaga mo le ulufale atu i aoga maualuluga (tertiary) e ui atu i le VTAC, o le a fuafua le ENTER i luga o le togi pito maualuga, po o fea lava le tausaga na su'eina ai.

### **VCE VET**

E i ai isi polokalame a le VCE VET e togiina- o nei togi o le a avea ma e pei o togi o mataupu o le VCE ma o le a fuafuaina ai polokalame o le ENTER., O polokalame o le VCE VET e le o togiina o le a fesoasoani i togi o le ENTER o ni togi faaopoopo.

Mo ni isi faamatalaga: **[www.vtac.edu.au](http://www.vtac.edu.au)**

### **VCAL**

O tamaiti aoga ua mae'a le VCAL e masani ona fialia e faaauau aoaoga i Aoga i Matata Eseese, faia o galuega faataitai (apprenticeship) po o le faigaluega.

Mo ni isi faamatalaga e uiga i TAFE e mafai ona maua mai I

**[www.education.vic.gov.au/tafecourses/](http://www.education.vic.gov.au/tafecourses/)**

O le a mafai ona faamae'aina e tamaiti aoga e i laasaga Feololo (Intermediate) po o Matutua (Senior) o le VCAL na faatonuina mo le VCE i tausaga ua mavae, le VCE pe afai e faamae'aina muamua :

- Unite e lua mai mataupu o le Gagana Peretania o le VCE
- Tolu Unite 3 ma le 4 o le VCE i mataupu e le o le Gagana Peretania.

Mo ni isi faamatalaga e mafai ona maua mai **[www.vcaa.vic.gov.au](http://www.vcaa.vic.gov.au)**

E mafai ona faafesootai e tamaiti aoga e mananao e ulufale i galuega ina ua mae'a VCE po o le VCAL le Centrelink mo faamatalaga ma fautuaga e uiga i a latou galuega: **[www.centrelink.gov.au](http://www.centrelink.gov.au)**

## **O FEA E A’OA’OINA AI LE VCE MA LE VCAL**

O lo o aoaoina mataupu o le VCE ma le VCAL i ni isi o nofoaga mo tagata ua toe foi e aoga:

- Nofoaga mo Aoga Faa-le-itumalo mo Tagata matutua (Adult Community Education(ACE)) ([www.acfe.vic.gov.au](http://www.acfe.vic.gov.au))
- Nofoaga mo Aoga i Matata Eeseese (Technical and Further Education (TAFE)) ([www.education.vic.gov.au/tafecourses](http://www.education.vic.gov.au/tafecourses))
- Tautua mo Aoaoga mo Tagata matutua mai atunuu eseese (Adult Multicultural Education Services (AMES)) ([www.ames.vic.edu.au](http://www.ames.vic.edu.au))
- Nofoaga mo Aoaoga mo Tagata Matutua (Centre for Adult Education (CAE)) ([www.cae.edu.au](http://www.cae.edu.au))

O lo o i ai le lisi atoa o nofoaga mo aoga a tagata matutua i le:

**<http://schlprv.vcaa.vic.edu.au/schoolsstudiessearch>**

Afai e i lalo ifo o le 20 ou tausaga ia Ianuari 1 i le tausaga na ave ai lau VCE po o le VCAL, e mautinoa lou avanoa i le tele o nofoaga ua ta’ua i luga mo aoga mo Tagata matutua.

### **Aoga mai le Aiga (Study by correspondence)**

E mafai ona aoga mai le aiga tagata matutua e ala i le faatonuina i le Distance Education Centre Victoria (DECV).

Mo ni si faamatalaga: [www.distance.vic.edu.au](http://www.distance.vic.edu.au)

## **MO NI ISI FAAMATALAGA**

FAAFESOOTAI: Victorian Curriculum and Assessment Authority  
41 St Andrews Place, East Melbourne, 3002  
Phone (03) 9651 4328 or 1800 137 195  
Email: [vcaa@edumail.vic.gov.au](mailto:vcaa@edumail.vic.gov.au)

---